



SAKSFRAMLEGG

Saksnr:	Utval:	Dato
	Formannskap/plan- og økonomiutvalet	

Sakshandsamar:	Arkiv:	ArkivsakID
Tore Henrik Øye		23/554

LØYVING AV MIDLAR FRÅ MYSTERFONDET TIL OPPGRADERING AV SKYTEBANE I LITLEVIKA - INNKJØP AV ELEKTRONISKE SKYTESKIVER

Styret i Mysterfondet sitt framlegg til vedtak:

Med heimel i vedtektene for Mysterfondet §§ 1 og 2 sjette ledd, løyver Formannskap/plan- og økonomiutvalet (FPØ) i Vaksdal kommune, inntil kr. 40 000,- i fondsmidler til Vaksdal/Modalen Skyttarlag.

Tilskotet skal nyttast til innkjøp av 4 stykk nye, elektroniske skiver til skytebane i Litlevika på Eidslandet.

Tilskotet utgjer 14 % av budsjettert og «godkjend kostnad» på kr. 274 913,-, inkl. mva.

Ved eventuell momsrefusjon vert tilskotet rekna ut frå utgifter eks. mva.

Tilskotet vert betalt ut etter innsendt sluttrapport med naudsynt dokumentasjon (betalt faktura, bilete og liknande).

Arbeidsfristen for tiltaket er sett til 01.06.25. Etter dette vert tilskotet trekt attende.

Saksopplysningar:

Samandrag/konklusjon (kort om saka)

Vaksdal/Modalen Skyttarlag søker om kr. 100 000,- i fondstilskot til innkjøp av 4 stykk elektroniske skyteskiver til laget si skytebane i Litlevika på Eidslandet. Søknaden er retta til både Mysterfondet og kommunalt viltfond (samla tilskotsbeløp).

Investeringa er budsjettert til kr. 274 913,-, inkl. mva. Søknadsbeløpet utgjer 36 % av total kostnad. I tillegg er det søkt Modalen kommune om kr. 100 000,-. Skyttarlaget legg opp til ein eigendel på kr. 74 913,-.

Fondssaldoen til Mysterfondet per 01.05.23, er kr. 459 384,-, der kr. 150 000,- skal vere bunden kapital (grunnkapital), i følge fondsvedtektene. Dette gjev kr. 309 384,- i tilgjengelege midlar. Årleg tilskot til fondet er kr. 37 000,-, overført frå regullant.

Fondsstyret har handsama søknaden frå skyttarlaget, og finn grunnlag for å løyve inntil kr. 40 000,- i

tilskot. Dette utgjør 14 % av budsjettetert kostnad.

Framlegget til tek utgangspunkt i fondet sin saldo og tilgjengelege kapital, saman med tidlegare fondsløyvingar tiltaket.

Grunngjevinga for å løyve tilskot til skytebana, er gjort med bakgrunn i opphjelp av vilt som fondsføremål, jf. § 2 i vedtektene, med vekt god skyteferdigheiter og gode jaktutøving.

Fondsstyret si innstilling om tildeling av kr. 40 000,- i tilskot, vert lagt fram for FPØ i Vaksdal kommune for endeleg avgjerd, jf. fondsvedtektene § 2 sjetle ledd.

Bakgrunn for saka

I søknad av 06.03.23 søker Vaksdal/Modalen Skyttarlag, v/ Trygve Mjelde, om kr. 100 000 i tilskot frå Mysterfondet og Vaksdal kommune sitt viltfond (samla søknadsbeløp). Tilskotet skal nyttast til innkjøp og montering av fire, nye elektroniske skiver på skytebana i Litlevika på Eidslandet.

Søknadsbeløpet utgjør 36 % av budsjettetert kostnad på kr. 274 913,-, inkl. mva. (jf. vedlagt kostnadsoverslag).

Skyttarlaget har òg søkt Modalen kommunen om kr. 100 000,- i tilskot, som gjer at samla søknadsbeløp blir 72 % av kostnadsoverslaget.

Administrasjonane i Vaksdal og Modalen kommunar sendte førespurnad til fondsstyret for «BKK sitt interkommunale viltfond» om støtte til tiltaket. I dette høvet vart det løyvd kr. 10 000,- frå fondet, som reduserer finansieringsbehovet tilsvarande.

I tillegg til fondsfinansieringa, legg skyttarlaget opp til å nytte kr. 74 913,- i eigne midlar til tiltaket. Skyttarlaget vil også ha utgifter i samband med henting av skivene i Åndalsnes, samt arbeidet med montering på skytebana.

Bakgrunnen for søknaden, i følge søker, er arbeidet med å gje skytebana ein moderne standard, med høg funksjonalitet og stor bruks-/nytteverdi.

Oppgraderinga byrja i 2019, med utskifting av signal-/kabelsystem og straumforsyning frå standplass til skyteskivene. Dette la grunnlag for innkjøp av to elektroniske skiver i 2022, som no skal supplerast med fire nye skiver.

På bakgrunn av tidlegare søknadar om midlar til skytebana, vart det i 2019 og 2022 gjeve høvesvis kr. 40 000,- og kr. 25 000,- i tilskot frå Mysterfondet.

Søker nemner at skytebana i Litlevika er mykje i bruk, mellom anna av jegerar som trenar og tek skyteprøva. Bana representerer av den grunn eit viktig, lokalt tilbod for skyttarar/jegerar i kommunane, med tyding for rekrutteringa.

Fondssaldoen til Mysterfondet var kr. 459. 384,- per 01.05.23. Vedtektene seier at fondet sin «grunnkapital» (bunden kapital), skal vere kr. 150 000,-. Dette gjev per i dag, kr. 309 384,- i disponible midlar til fordeling. Det kjem årleg inn kr. 37 000,- på fondet (innbetaling frå regullant)

Formelt grunnlag

- «BKK-Myster kraftverk. Vedtekter for bruk av midlar for opphjelp av vilt og fisk» (Mysterfondet).

Vurdering og konsekvensar

Styret i Mysterfondet har handsama søknaden frå skyttarlaget på teamsmøte den 08.05.23, sjå vedlagt referat.

Søknaden er handsama fortløpande. Vedtektene til Mysterfondet seier ikkje noko om søknadsfrist, men det har vore vanleg å be om søknadar innan 1. desember kvart år, med sakshandsaming før nyttår. Dette har styret teke omsyn til ved handsaming, slik at behovet for tilgjengeleg kapital framover, vert tilstrekkeleg sikra.

Fondsstyret ser det som verdifullt å ha ei godt fungerande skytebane i kommunen. I dette høvet vil montering av nye, elektronisk skiver gjere bana i Litlevika meir eigna og funksjonell for trening, gjennomføring av jegerprøven og andre, aktuelle aktivitetar. Tilbodet og kapasiteten lokalt vert betre, og oppgraderinga vil vonleg medverke til ytterlegare bruk og styrkje rekruttering av unge jegerar.

Skytebana i Litlevika vert nytta av fleire enn berre jegerar, og til meir enn berre å førebu jakt. Likevel er bana mykje brukt av jegergruppa, som grunnlag for gode skyteferdigheiter, god jaktutøving og tenleg viltforvaltning.

Styret i Mysterfondet meiner at tiltaket det vert søkt om midlar til, er i samsvar med fondet sitt føremål om «opphjelp av vilt», med bakgrunn i kravet til trening og skyteprøve for hjortejegerar, og den tydinga ei oppgradert bane kan gje for rekruttering og jaktinteresse. Koplinga til jegermiljøet vert av desse grunnane vurdert å vere sentral, med grunnlag for å løyve tilskot frå fondet.

Ved vurderinga av søknad, er det viktig å ta utgangspunkt i fondssaldoen og tilgjengelege tilskotsmidlar.

Ved ei tildeling vil det vere viktig å sikre at det er midlar på kontoen framover, for moglege løyvinga til andre søknadar som kjem inn i løpet av året. I dette høvet vil det vere att kr. 269 384,- på konto, ved eit tilskot på kr. 40 000 (årleg innskot er ikkje teke med).

Innstillinga til løyving frå fondet, kan også sjåast i samanheng med tidlegare løyvingar til skytebana frå fondet, høvesvis kr. 40 000,- i 2019 og kr. 25 000,- i 2022. Det vart òg gjeve 25 000,- frå viltfondet i 2022. Elles vil årets søknad bli handsama i «Vaksdal kommune sitt fond for vilt, fiske og friluftsliv», med framlegg til kr. 50 000,- i tilskot. Dette tydar at samla, kommunalt fondstilskot vil bli kr. 90 000,-

Det vert elles nemnd at skyttarlaget vil få tildelt kr. 10 000,- frå BKK sitt interkommunale viltfond, og at søknaden i tillegg, skal handsamast av Modalen kommune.

Fondsstyret si innstilling om å løyve kr. 40 000,- frå Mysterfondet til oppgradering av skytebana i Litlevika, vert sendt over til FPØ for endeleg avgjerd, jf. fondsvedtektene § 2 sjette ledd.